

SAGUBA. <sup>1</sup>

Sagu bat zulotikan  
goiz batez atera,  
eta joan zan segiran  
bere sukaldera;  
zupatzen asi ere  
joanikan aldera,  
billatzen zuben plater,  
pazi ta padera.

Ontan ikusi zuben  
eltze bat betia,  
gañian guri guri  
zeukala koipia;  
eta begira gabe  
sendo zeukan bia,  
salta zuben bertara....  
¡bañan zér kolpia!

Bi erdi egiñikan  
koipia batetan,  
arkitu zuben bere  
burua saldetan;  
eta eziñ irtenik  
zerabilela an,  
azkenian ito-ta  
gelditu zan bertan.

. . . . .

Arrantzako asmoan  
zerbait nairik era,  
asko joaten dirade  
itsaso aldera;  
bañan ¿zér da gertatzen?  
askotan au bera;  
leku charra izanik  
erortzia beera.

## ARITZ BEDEINKATUA.



Jaungoikoak aritz bat  
zuben bedeinkatu,  
eta, chit lur sendoan,  
Gernikan paratu;

euskaldunak zezaten  
biyotzez maitatu,  
eta bere frutuak  
sekulan ez galdu.

(1) Fábula y composición premiadas con *mención honorífica* en los Juegos florales celebrados en esta Ciudad en 1888. (Véase pág. 567 del tomo XIX.)

Ala, euskaldun zarrak  
 Jaungoikozko lanak,  
 gorde izan dituzte  
 kontu aundiz danak;  
 kunplitzen ere ziran  
 beraren esanak,  
 gorderik kontuz frutu  
 aritz ark emanak.

Etsaya beti nola  
 dabillen tranpiyan,  
 bota nai izan zuben  
 jorikan gerriyan;  
 utzi ere baizuten  
 estura larriyan,  
 oker oker eginta  
 iya eroriyan.

Bañan euskaldun zarrak  
 beregana joanik,  
 eta zeuzkan zauriyak  
 kontuz sendaturik,  
 jaso zuten guztiyen  
 artian lurretik,  
 zeñak sendo loturik  
 para zuten zutik.

Orañ ere etsayak  
 nairik lurperatu,  
 ekin diyote, bañan  
 ez da lurreratu;

egin diyotena da  
 indarrez okertu,  
 bañan zaiñ denak zaizka  
 osorik gelditu.

¿Zér esango luteke  
 lengo gizon zarrak,  
 lurreratu ezker  
 aritzen adarrak?  
 ez, eatsi zaizkagun  
 denok atzaparrak,  
 sendatzeko gorputzak  
 dauzkan atzamarrak.

Ea, gazteak oraiñ  
 len zarrak bezela,  
 baturik jaso zagun  
 chit gora arbola;  
 eman zagun sendakai  
 daukagun odola,  
 etsayak ez dezaten  
 mugitu iñola.

Sendatzen badiyogu  
 dadukan zauriya,  
 Jaunak bigalduko du  
 guretzat sariya;  
 izan dedilla koro  
 bat guztiz aundiya,  
 berak estali dezan  
 Euskaldun Erriya.

JOSÉ ARTOLA.

